



Broj: 01/1-02-1076/18
Breza, 14.05.2018.godine

ZAPISNIK

Sa SEDAMNAESTE REDOVNE SJEDNICE Općinskog vijeća održane dana 25.04.2018. godine sa početkom u 16,30sati u prostorijama Općine Breza-Sala Općinskog vijeća.

Sjednicom je predsjedavao predsjedavajući Općinskog vijeća Jusić Vedad.

Po izvršenoj prozivci konstatovano je da sjednici Općinskog vijeća prisustvuje 19 vijećnika.

Opravdano odsutan vijećnik Sokić Dževahid, a vijećnik Bajrić Fetah najavio je kašnjenje na sjednicu.

Osim vijećnika sjednici Općinskog vijeća su prisustvovali: Općinski načelnik Munib Zaimović, pomoćnici Općinskog načelnika: Smajila Omerhodžić, Meliha Beširević, Salih Hasanspahić, Herco Huso, općinski pravobranilac Dženana Telalović, član Odbora za provedbu Etičkog kodeksa, član Komisije za Statut i propise, predstavnik OSCE-a misije Daut Bajramović, učenici MSŠ Mehmedalija Mak Dizdari predstavnici medija.

Predsjedavajući Općinskog vijeća Jusić Vedad upoznao je vijećnike kada su vijećnicima pored dostavljenih materijala naknadno dostavljena mišljenja Komisije za Statut i propise i Komisije za Budžet i finansije, Zapisnik Komisije za izbor imenovanja i administrativne poslove, kao i inicijativa upućena od strane direktora JU Doma zdravlja Breza.

Zatim se prešlo na razmatranje Zapisnika sa 16. redovne sjednice Općinskog vijeća Breza.

Primjedbu na zapisnik dao je vijećnik Avdić Edin koji je zatražio da u zapisnik kod razmatranja Informacija o stanju općeg kriminaliteta javnog reda i mira za 2017. godinu unesu diskusije vijećnika koji su učestvovali u raspravi.

Također je istakao da se u Izvještaju o radu Komisije za Statut i propise kod izrade Prečišćenog teksta Odluke o bližim kriterijima za imenovanje u Upravni odbor JU Dom zdravlja Breza ne mogu vidjeti koje su to izmjene napravljene u tekstu, kako bi se utvrdilo da li je izbor članova u Upravni odbor Doma zdravlja Breza izvršen u skladu sa donesenom Odlukom. Traži dostavu Prečišćenog teksta Odluke o bližim kriterijima za imenovanje u Upravni odbor JU Dom zdravlja Breza, kao i Odluke koje su bile na snazi do donošenja prečišćenog teksta.

Primjedbi na Zapisnik više nije bilo te je isti sa datim primjedbama usvojen jednoglasno sa 19 glasova ZA.

Zatim se prešlo na razmatranje zapisnika sa tematske sjednice općinskog vijeća.

Primjedbu na zapisnik dao je vijećnik Avdić Edin koji predlaže da se tačka 6. donesenog zaključka preformuliše obzirom da je i podnosilac inicijative. U zaključku stoji da izvršimo izmjene Zakona o sportu, kako bi se u Budžetu mogla planirati veća Budžetska sredstva kojim će se omogućiti stabilnije finansiranje sportskih programa na lokalnom nivou. Ističe da nama ni sada niko ne zabranjuje i da Općinsko vijeće u okviru svojih nadležnosti može da planira i ulaže budžetska sredstva za razvoj sporta. Ovdje se ne odlučuje samo o izmjeni Zakona o sportu, radi se o izmjeni seta zakona, počev od zakona o

finansiranju u sportu, strategije u sportu, o školstvu, o masovnom sportu, loptarskom sportu itd. Predlaže da se usvoji sljedeće:

„Da Općinsko vijeće pokrene inicijativu o izmjenama Zakona o sportu, kako bi se izvan Budžeta planirala stalna i sigurna sredstva kojim će se omogućiti stabilnije finansiranje sportskih programa na lokalnom nivou“.

Ispred stručne službe općinskog vijeća, Safet Zahirović pojasnio je da se usvojeni Zaključak Općinskog vijeća na ovaj način ne može promijeniti obzirom da je u takvoj formi usvojen od strane Općinskog vijeća. Ukoliko želimo istipromijeniti moramo provesti propisanu proceduru.

Predsjedavajući Općinskog vijeća istakao je da će se izvršiti izmjena predloženog Zaključka onako kako predlaže vijećnik Avdić Edin uz poštovanje propisane procedure.

Primjedbi na Zapisnik više nije bilo te je isti sa datim primjedbama usvojen jednoglasno sa 19 glasova ZA.

Zatim se prešlo na odgovore na vijećnička pitanja.

Vijećnik Salčinović Fikret istakao je da je dobio odgovor na pokrenutu inicijativu o davanju u zakup prostora Doma kulture u Župči od strane Službe za prostorno uređenje, a on je tražio da se inicijativa dostavi Savjetu MZ Župča koja treba dati odgovor. Također je prokomentarisao odgovor nadležne službe o rješavanju parking prostora kod Doma zdravlja Breza te istakao da je on tražio da se riješi pitanje otvorenog parking prostora prema bazenu, te je ponovo postavio pitanje kad će biti riješen status ovog parking prostora.

Predsjedavajući Općinskog vijeća pojasnio je da je ovu inicijativu razmatrao Kolegij Općinskog vijeća te je dogovoreno da se isto proslijedi nadležnoj službi.

Pomoćnik općinskog načelnika za prostorno uređenje Smajila Omerhodžić pojasnila je da je i toku izrada regulacionog plana kojim će se riješiti svi eventualni problemi u ovom obuhvatu.

Vijećnik Sirotanović Arif prokomentarisao je da bi status domova kulture u MZ-a trebalo rješavati uz pomoć predsjednika iz savjeta MZ, kako bi se zaustavilo dalje propadanje ove imovine.

Zatim se prešlo na postavljanje novih vijećničkih pitanja.

Vijećnik Buljetović Ćamil iskoristio je priliku te je uputio čestitke građanima općine Breza za nastupajuće praznike, 1.maj i 9.maj Dan pobjede nad fašizmom.

Vijećnik Salčinović Fikret postavio je pitanje direktoru JKP Breza zašto u ambulanti na Gornjoj Brezi već više mjeseci nema vode, šta je u pitanju?

Radu vijeća se priključio vijećnik Bajrić Fetah u 17h.

Vijećnica Nejira Bulbulušić postavila je pitanje Službi za privredu, da li su izrađeni projekti za dječija igrališta i kada je planirana izgradnja istih?

Vijećnica Selma Beširević postavila je pitanje JKP Breza u ime mještana MZ Mahala iz kojih razlog nije i kada će biti odvezen „lug“ koji se nalazi iza dvorane u Mahali koji je deponovan po obavještenju komunalnog preduzeća na radio Brezi.

- Drugo pitanje odnosi se na skidanje umjetne trave sa igrališta u“ Partizanu“ obzirom da dolazi do gužvanja trave pa se ne može koristiti.

Vijećnica Škrgić Belma postavila je pitanje u kojoj fazi je rekonstrukcija puta Mahala-Liješće i kada će se isti završiti.

Vijećnik Sirotanović Arifpokrenuo je inicijativu koja se odnosi na naplatu poreza za PIO, a zatražio je da se uputi urgencija Vladi ZDK za usvajanje Prostornog plana općine Breza.

Predsjedavajući Općinskog vijeća Jusić Vedad pojasnio je da je Općinsko vijeće već uputilo dvije urgencije za davanje saglasnosti na Prostorni plan Općine Breza.

Vijećnik Bajrić Fetah zatražio je da se dostavi cjelovita informacija po pitanju vodovoda Bukovik.

- zatražio je da se izvrši revizija projektne dokumentacije za Centralno spomen obilježje šehidima u Brezi kako bi se isto moglo nastaviti sa gradnjom po rješavanju imovinsko-pravnih odnosa.

- Postavio je i pitanje zašto nije raspisan konkurs za dodjelu na korištenje SRC Ada Breza obzirom da je ljetna sezona blizu.

Predsjedavajući Općinskog vijeća pojasnio je da je inicijativa o dodjeli SRC Ada već razmatrana na kolegiju Općinskog vijeća.

Vijećnik Midhat Beširević postavio je pitanje kada se planira rješavanje pitanja vodosnabdijevanja građana naseljenog mjesta Koritnik, koji u ljetnom periodu nemaju vode.

Postavio je i drugo pitanje da se izvidi mogućnost asfaltiranja dijela puta u naseljenom mjestu Koritnik koji vodi do greblja obzirom na važnost i potrebu ove dionice.

Vijećnik Kadrić Memsud postavio je pitanje koje se odnosi na rješavanje pitanja pasalutalica, da se izvidi mogućnost gradnje azila za živorinje za potrebe triju općina Breze, Visokog i Vareša, kako bi se izbjeglo otvaranje privatnih azila koji se otvaraju u neuslovnim i neadekvatnim urbanim područjima i stvaraju probleme stanovnicima koji žive u blizini tih prostora.

Vijećnik Buljetović Ćamil tražio je odgovor da li je kompleks SRC ADA zatvoren i zapečaćen, obzirom na organizovanje tradicionalne logorske vatre povodom prvomajskih praznika, koju organizuje SDP.

Općinski načelnik pojasnio je da je kompleks zatvoren od strane odjeljenja za inspeksijske poslove zbog podnešene prijave, te se nada da će problem biti riješen do prvomajskih praznika.

Vijećnik Suljagić Mirzet postavio je pitanje koje se odnosi na isplatu naknade za prevoznarima organa uprave.

Vijećnik Mirza Ahmedspahić pokrenuo je dvije inicijative:

- Da se pripremi informacija o realizaciju pokrenutih inicijativa od strane vijećnika Općinskog vijeća u periodu od dolaska aktuelnog načelnika.
- Druga inicijativa se odnosi da se pripremi inicijativa o uspjehu i vladanju učenika osnovnih škola sa područja Općine Breza.

Nakon toga se pristupilo utvrđivanju dnevnog reda.

Vijećnik Avdić Edin pitao je ko utvrđuje redosljed dnevnog reda, na što je predsjedavajući Općinskog vijeća pojasnio da isti utvrđuje Kolegij općinskog vijeća nakon dostavljanja prijedloga od strane predlagača.

Predsjednik Kluba SBB predlaže da se Inicijativa direktora JU Doma zdravlja Breza o davanju saglasnosti na Plan specijalizacije uvrsti u dnevni red.

Za riječ se javio Direktor JU Doma zdravlja Breza Salčinović Fikret koji je pojasnio da je Federalno Ministarstvo zdravstva donijelo plan potrebnih specijalizacija i subspecijalizacija zdravstvenih radnika ZDK za 2018. godinu, u kome su za DZ Breza predviđene specijalizacije

za pulmologa i medicina rada i sporta. Zavod zdravstvenog osiguranja ZDK na zahtjev JU DZ Breza za odobravanje novčanih sredstva za planirane specijalizacije, odgovorila je da finansiranje specijalizacija nije u nadležnosti Zavoda zdravstvenog osiguranja ZDK, kako direktora tako ni upravnog odbora. Obzirom da je Općinsko vijeće osnivač DZ Breza traži da isto nađe odgovarajuće rješenje, u protivnom DZ Breza ostaće bez ljekarskog kadra.

Predsjedavajući Općinskog vijeća dao je na glasanje prijedlog za proširenje dnevnog reda za razmatranje Inicijative Doma zdravlja Breza.

Nakon glasanja konstatovano je da je inicijativa usvojena sa 19 glasova ZA i 1 suzdržanim glasom.

Predsjedavajući Općinskog vijeća dao je na glasanje prijedlog za proširenje dnevnog reda za imenovanje predsjednika i članova Stručne komisije za procjenjivanje tržišne vrijednosti poreza na imovinu, naslijeđe i poklone i utvrđivanje prometne vrijednosti nepokretnosti.

Nakon glasanja konstatovano da je prijedlog usvojen sa 18 glasova ZA i 2 suzdržana glasa, protiv nije bilo.

Nakon toga jednoglasno sa 20 glasova ZA usvojen je sljedeći

DNEVNI RED

1. Usmena informacija Općinskog načelnika o aktivnostima između dvije sjednice
2. Razmatranje i usvajanje prijedloga Odluke o zauzimanju javnih površina na području općine Breza
3. Razmatranje i usvajanje prijedloga Odluke o usvajanju planova potencijalnih projekata javno-privatnog partnerstva
4. Razmatranje i usvajanje prijedloga Odluke o uslovima i načinu držanja pasa, te načinu postupanja sa napuštenim i izgubljenim psima na području općine Breza
5. Razmatranje i usvajanje prijedloga Odluke o kriterijima, načinu i postupku raspodjele budžetskih sredstava Općine Breza iz grantova za sufinansiranje projekata udruženja u oblasti sporta, kulture, obrazovanja i drugih oblasti.
6. Razmatranje i usvajanje prijedloga Odluke o utvrđivanju visine naknade za rad upravnih odbora u Javnim ustanovama kojima je osnivač Općina.
7. Razmatranje i donošenje Zaključka po nacrtu Odluke o dimnjačarskoj djelatnosti
8. Razmatranje i usvajanje Izvještaja o ostvarivanju politike općine Breza i aktivnosti općinskog načelnika za 2017. godinu
9. Razmatranje i usvajanje Izvještaja o izvršenju Budžeta općine Breza za 2017. godinu
10. Razmatranje i donošenje Zaključka po nacrtu Nacrtu Programa razvoja zaštite i spašavanja ljudi i materijalnih dobara od prirodnih i drugih nesreća općine Breza za period 2018.-2023. god.
11. Razmatranje i usvajanje Zaključka o davanju saglasnosti na imenovanje punomoćnika za sjednicu Skupštine javnog preduzeća „Komunalno“ d.o.o. Breza
12. Imenovanje predsjednika i članova Stručne komisije za procjenjivanje tržišne vrijednosti poreza na imovinu, naslijeđe i poklone i utvrđivanje prometne vrijednosti nepokretnost.
13. Informacija o Planu specijalizacije i suspecijalizacije zdravstvenih djelatnika ZDK za 2018. godinu.

Ad.1

Usmena informacija o radu Općinskog načelnika u periodu između dvije sjednice.

Pored redovnih aktivnosti nepohodnih za normalno funkcionisanje jedinstvenog općinskog organa, vođene su aktivnosti za nastavak i realizaciju započetih projekata. Općinski načelnik je također upoznao vijećnike o aktivnostima o izradi neophodnih regulacionih planova te ostale projektne i druge dokumentacije na realizaciji započetih projekata i projekata koji su u planu da se započnu.

Vijećnik Buljetović Ćamil postavio je pitanje općinskom načelniku „Koji je problem sa vodovodom Bukovik“, dali se vodi sudski postupak protiv firme TB inženjering po pitanju ovog vodovoda.

Općinski načelnik je upoznao vijećnike da je dolaskom na funkciju zatekao jako loše stanje i velika potraživanja od strane izvođača radova. Bilo je potrebno napraviti presjek stanja izvedenih radova na započetim projektima, kako bi se moglo nastaviti sa realizacijom. U tom postupku uočene su nepravilnosti koje je trebalo prevazići. Nastoji da radi javno i transparentno u interesu građana.

Vijećnik Bajrić Fetah postavio je pitanje zašto se odugovlači sa raspisivanjem konkursa za dodjelu SRC Ada Breza.

Općinski načelnik pojasnio je da je od strane odjela inspeksijskih poslova SRC „Ada“ zapečaćen, te dok se ne riješe ti problemi nemože se krenuti u postupak raspisivanja konkursa, za dodjelu istog.

Vijećnik Buljetović Ćamil postavio je pitanje da li je raskinut ugovor sa pravnim subjektom EKO KRUG d.o.o., kojoj je ovaj kompleks dat na korištenje i čuvanje u prošloj godini.

Ad.2

Razmatranje i usvajanje prijedloga Odluke o zauzimanju javnih površina na području općine Breza.

Bez učesnika u raspravi jednoglasno sa 18 glasova ZA usvojena je Odluka o zauzimanju javnih površina na području općine Breza.

Ad.3

Razmatranje i usvajanje prijedloga Odluke o usvajanju planova potencijalnih projekata javno-privatnog partnerstva.

Također bez učesnika u raspravi jednoglasno sa 18 glasova ZA usvojena je Odluka o usvajanju planova potencijalnih projekata javno-privatnog partnerstva.

Ad.4

Razmatranje i usvajanje prijedloga Odluke o uslovima i načinu držanja pasa, te načinu postupanja sa napuštenim i izgubljenim psima na području općine Breza.

Vijećnik Kadrić Memsud predlaže da pomoćnik općinskog načelnika pojasni koje su izvršene promjene u odnosu na dosadašnju odluku.

Pomoćnik općinskog načelnika Salih Hasanspahić pojasnio je da Općinsko vijeće 2015. godine donijelo Odluku o uslovima, držanju i načinu postupanja sa kućnim ljubimcima i nezbrinutim životinjama. U primjeni ove odluke došlo je do problema, te su u oktobru 2017. godine pokrenute aktivnosti na izmjeni predmetene odluke. Općinski načelnik imenovao je radnu grupu koja je pripremila Nacrt prijedloga Odluke uz primjenu važećih zakaonskih propisa. Donesen je Zaključak i određeno je vrijeme za sprovođenje javne rasprave. U toku javne rasprave zainteresovanost građana i ostalih subjekata bila je veoma mala.

U članu 3. predložene odluke definisani su uslovi i način za držanje pasa u užem centru grada kao i na ostalim područjima općine, način i uslovi i postupanje sa kućnim ljubimcima te držanje pasa u skladu sa propisima.

Vijećnik Bajrić Fetak istakao je da je odluka i do sada postojala ali nadležna lica nisu radila svoj posao kako je trebalo, te smatra da će ovo i sada bitisamo mrtvo slovo na papiru.

Učešće u raspravi uzeo je i općinski načelnik te je naglasio koje probleme je imala općina prilikom primjene odredaba prethodne odluke te o aktivnostima koje su vođene u cilju zaštite građana po pitanju sigurnosti i bezbijednosti od napuštenih pasa lualica.

Vijećnik Suljagić Mirzet imao je dilemu u segmentu pravnog utemeljenja odluke kada je u pitanju ovlaštenja za rad vererinarske stanice.

Vijećnik Kadrić Memsud konstatovao je da odredbe predložene odluke nigdje neštite građane i više se štite napušteni psi nego građani, te da usvajanjem ove odluke ništa bitno neće promijeniti.

Učesnika u raspravi više nije bilo te je nakon provedenog postupka glasanja konstatovano da je predložena Odluka usvojena sa 13 glasova ZA, 5suzdržanih i 1 glasom protiv.

Ad.5

Razmatranje i usvajanje prijedloga Odluke o kriterijima,načinu i postupku raspodjele budžetskih sredstava Općine Breza iz grantova za sufinansiranje projekata udruženja u oblasti sporta,kulture, obrazovanja i drugih oblasti.

Vijećnik Avdić Edim predložio je amandman u članu 4. predložene odluke.

Predlažeda se članovi za odabir projekata umjesto „3. člana iz reda zaposlenika a 2 člana iz reda predstavnika udruženja i klubova“ imenuju“ 2. člana iz reda uposlenika,1, član iz oblasti sporta, 1. član iz oblasti kulture i 1 član iz oblasti obrazovanja.

Pristupilo se glasanju za prijedlog amandmana vijećnika Avdić Edina.

Nakon provedenog postupkaglasanja konstatovano je da je amandman usvojen jednoglasno sa 19 glasova ZA.

Zatim je jednoglasno sa 19 glasova ZA usvojenaOdluke o kriterijima,načinu i postupku raspodjele budžetskih sredstava Općine Breza iz grantova za sufinansiranje projekata udruženja u oblasti sporta,kulture, obrazovanja i drugih oblasti.

Ad.6

Razmatranje i usvajanje prijedloga Odluke o utvrđivanju visine naknade za rad upravnih odbora u Javnim ustanovama kojima je osnivač Općina.

Bez učesnika u raspravi sa 17 glasova ZA, 1 glasom protiv i 1 suzdržanim glasom usvojena je Odluka o utvrđivanju visine naknade za rad upravnih odbora u Javnim ustanovama kojima je osnivač Općina.

Ad.7

Razmatranje i donošenje Zaključka po nacrtu Odluke o dimnjačarskoj djelatnosti.

Učesnika u raspravi nije bilo , te je predsjedavajući Općinskog vijeća na glasanja dao sljedeći

ZAKLJUČAK

I

UTVRĐUJE SE Nacrt Odluke odimnjačarskoj djelatnosti.

Po utvrđenom Nacrtu Odluke odimnjačarskoj djelatnosti, sprovesti javnu raspravu sa vijećnicima, predsjednicima mjesnih zajednica, i ostalim zainteresovanim licma Općine Breza.

II

Javnu raspravu sprovesti u periodu od 26.04.2018. do 21.05.2018.godine

III

Za realizaciju zaključka zadužuje se Služba za civilnu zaštitu.

Nakon glasanja konstatovano je da je zaključak usvojen jednoglasno sa 19 glasova ZA.

Ad.8

Razmatranje i usvajanje Izvještaja o ostvarivanju politike općine Breza i aktivnosti općinskog načelnika za 2017.godinu

Vijećnik Bašić Mirnes u ime kluba vijećnika SDA istakao je da ovaj klub neće podržati Izvještaj o ostvarivanju politike općine Breza i aktivnosti općinskog načelnika za 2017.godinu. Iznio je primjedbu da općinski načelnik i službe nisu pravovremeno odgovarali na postavljena vijećnička pitanja od strane vijećnika. Dalje primjedbe za ne podržavanja ovog izvještaja biće iznijete prilikom razmatranja Izvještaja o izvršenju Budžeta općine Breza u 2017.godini.

Vijećnik Avdić Edin dao je primjedbu da je izvještaj napisan kao školski sastav bez činjenica uz nabranje opisa zadataka koji su navedeni u zakonu. Osnovna primjedba je što se iz istog ne mogu vidjeti koliko građani općine imaju efekta od rada općinskog načelnika. Trebalo je navesti koji projekti su započeti i koji su efekti od istih i kad će biti završeni.

Vijećnik Beširević Midhat istakao je da je izvještaj općinskog načelnika dobar a kao primjer poboljšanja uslova života građana naveo je asfaltiranje dijela put u naselju Župča, kod stadiona.

Vijećnik Salčinović Fikret istakao je da je dolaskom na vlast općinski načelnik zatekao jako teško finansijsko stanje. U proteklom periodu izvršena je konsolidacija Budžeta te se nastojalo da se isplate zaostala potraživanja. Suficitom u iznosu od oko 700.000,00 KM vidi se da je općinski načelnik u tome i uspio.

Vijećnik Buljetović Ćamil prokomentarisao je da općinski načelnik u suficit došao zahvaljujući aktivnostima poreske uprave. U izvještaju je prikazan rad općinskih službi a ne općinskog načelnika te iz tog razloga neće podržati isti, također je istakao da za asfaltiranje dijela puta u Župči nije zaslužan općinski načelnik nego je isto finansirano sa viših nivoa vlasti.

Pomoćnica općinskog načelnika Meliha Beširević pojasnila suindirektni porezi uplaćeni i iznosu od 1.229.034,28 KM.

Vijećnik Bajrić Fetah zamjera općinskom načelniku i službama što nisu odgovarali na postavljena vijećnička pitanja koje je on više puta postavljao u proteklom periodu. Također zamjera što je službenika odgovornog za negativan revizorski izvještaj nagradio postavljanjem za člana Upravnog odbora.

Općinski načelnik istakao je da je ovaj izvještaj urađen u skladu sa zakonskim propisima. Kada je u pitanju revizija općine Breza za 2016.god.istakao je da je revizorski tim dao 32 primjedbe da je 16 već otklonjeno a i preostale primjedbe će biti u skorije vrijeme otklonjene. Kada je u pitanju odgovornost istakao je da je izvještaj proslijeđen nadležnim organima koji će ukoliko bude bilo elemenata pokrenuti postupak odgovornosti.

Vijećnik Bajrić Fetah ponovo je istakao da općinski načelnik više puta obećava donijeti novu sistematizaciju radnih mjesta međutim do toga još nije došlo. Ističe da ima i pozitivnih stvari te da treba nastojati da se negativne pojave otklone.

Vijećnik Kadrić Memsud istakao je da je izvještaj jako opširan i da obuhvata sve aktivnosti. Nedostaje inovativnost šefova službi koji bi trebali uvesti neke nove metode a ne

dase samo nabraja. U suštini izvještaj je dobar i treba ga podržati, što pokazuje i ostvareni suficit.

Učesnika u raspravi više nije bilo te se pristupilo glasanju, te je konstatovano da je Izvještaj o ostvarivanju politike općine Breza i aktivnosti općinskog načelnika za 2017.godinu usvojen sa 13 glasova ZA, 5 glasova protiv i 1 suzdržanim glasom.

Ad.9

Razmatranje i usvajanje Izvještaja o izvršenju Budžeta općine Breza za 2017.godinu

Predsjednik kluba SDA Mirza Ahmedspahić u ime kluba vijećnika SDA kaoi OO SDA Breza zauzeo je stav da neće podržati Izvještaj o izvršenju Budžeta općine Breza za 2017.godinu iz sljedećih razloga:

- Prijedlozi, pismeni dopisi kao i prijedlozi sa usmene rasprave na sjednicama OV nisu uvaženi i ispoštovani što govori o odnosu načelnika prema ovom klubu i stranci SDA.
- Rebalans Budžeta nije urađen na zakonit način, van procedure, bez ikakvih konsultacija sa bilo kojim stranama ili korisnicima Budžetskih sredstava, bez znanja građana općine Breza
- Prikazani suficit nije realan, obzirom da sa druge strane nisu izmirena dugovanja niti je plan Bužeta onakav kakav je usvojen u martu 2017.godine. Sredstva za finansiranje sporta izvršenasu u manjem iznosu negošto je planirano. Sve nepravilnosti prikazane su u Izvještaju i mišljenju Komisije za Budžet i finansije. Značajna prekoračenja ogledaju se i u isplatama regresa za godišnji odmor, izdaci za osiguranja, bankarske usluge i usluge platnog prometa. Komisija je na kraju predložila da se sačini plan mjera kojim bi se zadržali iznosi bruto plata u Budžetskim okvirima,što nije učinjeno nego se nastavilosa daljim zapošljavanjem
- Prevelik je broj uposlenika u odnosu na broj stanovnika općine i evropske standarde, samim tim su i preveliki troškovi za plaće i troškove uposlenika, obećana sistematizacija također nije donesena. (...)

Podsjetio je vijećnike na usvojene zaključke koje je ovo vijeće usvojilo na tematskoj sjednici 31.10.2017.godine. Na istoj sjednici date su preporuke općinskom načelniku da zaustavi prijem novih službenika, što bi dodatno destabiliziralo Budžet općine. Ovaj klub i dalje insistira na realizaciji i poštivanju usvojenih zaključaka.

Vijećnik Avdić Edin daje pohvale za prihodovnu stranu Budžeta koja je ostvorena u iznosu od 5.290.166,93 KM, što je 99,41 % planiranih prihoda za 2017. godinu, uz komentar da ovakav rezultat graniči sa naučnom fantastikom. Kada su u pitanju rashodovna strana treba da se poštuje Odluka o izvršavanju Budžeta općine Breza a ukoliko to nije moguće o istom obavijestiti Općinskog vijeće koje će uraditi rebalans. Ističe da su naknade za uposlenike 37% rashoda, što predstavlja 1/3 cjelokupnog Budžeta, a samo 2 puta toliko za sve ostale građane općine Breza što je nedopustivo. Po evropskim standardima izdvajanje za troškove administracije iz Budžeta mogu biti do 20%. Prihodi ubrani od taksi i poreza trebaju se koristiti za plate uposlenika općine a ne i drugi prihidi. Predlaže racionalizaciju i smanjenje uposlenika.

Vijećnik Kadrić Memsud postavioje pitanje koliko je negativan Revizorski izvještaj uticao na Izvršavanje Budžeta za 2017. godinu, te kako je raspoređen ostvareni suficit od 700 hiljada KM.

Pomoćnik općinskog načelnika Meliha Beširević istakla je da procent izvršenja Budžeta Općine Breza za 2017. godinu je 115 %, što znači da je ostvaren budžetski suficit od 15 % ili 695.950,63 KM. Od provedene Revizije općine Breza za 2016. godinu urađeno dosta stvari. Od predloženih 32 mjere od strane Ureda za reviziju FBiH, realizirano je 16 mjera. Nastojalo se izmiriti neizmirene obaveze koje su na dan 31.12.2017. godine iznose 1.595.890,97 KM za što je iskorišten i ostvareni suficit. Rashodi Budžeta za isti period iznose 4.594.216,30 KM, što je 98,44 % plana za 2017. godinu. Za potrebe opremanja i funkcionisanja JP "Komunalno" d.o.o Breza uplaćen je iznos od 159 hiljada KM.

Potraživanja Budžeta Općine Breza na dan 31.12.2017. godne iznosila su 1.388.379,16 KM. Program pokriva ukupnog deficita Budžeta Općine Breza za narednih pet godina i izrada dokumenta za otpis zastarjelih obaveza i potraživanja, bit će prezentirano Općinskom načelniku, Općinskom vijeću i Komisiji za budžet i finansije Općine Breza u toku 2018. godine.

Predsjedavajući Općinskog vijeća istakao je da je ovo Općinsko vijeće usvojilo Zaključke po izvršenoj Reviziji općine Breza za 2016. godinu i isti nisu ispoštovani, a nije pokrenuta ni odgovornost odgovornih osoba.

Vijećnik Sirotanović Arif uputio je čestitke na planiranju i izvršenju Budžeta općine Breza za 2017. godinu.

Vijećnik Bajrić Fetah još jednom ističe problem viška zaposlenika za čije finansiranje se utrošile budžetskih sredstava nego za kapitalna ulaganja, te treba izvršiti racionalizaciju i broj svesti na racionalan i optimalan broj prema broju stanovnika i prema evropskim standardima.

Učesnika u raspravi više nije bilo pa je predsjedavajući Općinskog vijeća dao na glasanje izvještaj o izvršenju Budžeta općine Breza za 2017. godinu, te je konstatovano da je isti usvojen sa 13 glasova ZA, 5 glasova protiv i 1 suzdržanim glasom.

Uslijedila je pauza 19:30 do 19,45 h

(Nakon pauze sjednicu vijeća napustili su vijećnici Avdić Edin i Zaimović Anes)

Ad 10.

Razmatranje i donošenje Zaključka po Nacrtu Programa razvoja zaštite i spašavanja ljudi i materijalnih dobara od prirodnih i drugih nesreća općine Breza za period 2018.-2023. god.

Učesnika u raspravi po predloženoj tački dnevnog reda nije bilo pa je predsjedavajući o.v na glasanje dao sljedeći:

ZAKLJUČAK

I

UTVRĐUJE SE Nacrt Programa razvoja zaštite i spašavanja ljudi i materijalnih dobara od prirodnih i drugih nesreća Općine Breza za period od 2018.-2023. godine.

Po utvrđenom Nacrtu Programa razvoja zaštite i spašavanja ljudi i materijalnih dobara od prirodnih i drugih nesreća Općine Breza za period od 2018.-2023. godine, sprovesti javnu raspravu sa vijećnicima, predsjednicima mjesnih zajednica, i ostalim zainteresovanim licima Općine Breza.

II

Javnu raspravu sprovesti u periodu od 26.04.2018. do 21.05.2018. godine

III

Za realizaciju zaključka zadužuje se Služba za civilnu zaštitu.

Nakon provedenog postupka glasanja konstatovano je da je Zaključak usvojen sa 16 glasova ZA (u trenutku glasanja u sali nije bio prisutan vijećnik Salčinović Fikret)

Ad 11.

Razmatranje i usvajanje Zaključka o davanju saglasnosti na imenovanje punomoćnika za sjednicu Skupštine javnog preduzeća „Komunalno“ d.o.o. Breza.

Bez učesnika u raspravi usvojen je Zaključak o davanju saglasnosti na imenovanje punomoćnika za sjednicu Skupštine javnog preduzeća „Komunalno“ d.o.o. Breza sa 14 glasova ZA i 2 suzdržana glasa.

Ad 12.

Imenovanje predsjednika i članova Stručne komisije za procjenjivanje tržišne vrijednosti poreza na imovinu, naslijeđe i polkone i utvrđivanje prometne vrijednosti nepokretnost.

Predsjedavajući Općinskog vijeća upoznao je vijećnike da je Komisija za izbor imenovanja i administrativne poslove nakon upoznavanja sa propisanim uslovima za imenovanje članova komisije jednoglasno je zauzet stav da se u Komisiju imenuju dosadašnji članovi komisije i to.:

1. Salih Hasanspahić, predsjednik,
2. Ejub Salkić, član, član,
3. Nezaheta Čengiđ, član,

Komisije se imenuje na period od 2(dvije) godine.

Nakon provedenog postupka glasanja konstatovano je da je prijedlog za imenovanje komisije usvojen sa 14 glasova ZA i 2 suzdržana glasa.

Ad 13.

Informacija o Planu specijalizacije i suspecijalizacije zdravstvenih djelatnika ZDK za 2018. godinu.

Nakon što je direkrot JU Dom zdravlja Breza Fikret Salčinović upoznao vijeće sa Planom specijalizacije i suspecijalizacije zdravstvenih djelatnika ZDK za 2018. godinu, predsjedavajući Općinskog vijeća predložio je sljedeći

Z A K L J U Č A K

I

PRIMA SE ka znanju Informacija o Planu specijalizacije i suspecijalizacije zdravstvenih radnika ZDK za 2018.godine.

II

Obavjezuje se Kolegij Općinskog vijeća da u što kraćem roku zauzme stav po istom.

III

Za realizaciju tačke II zadužuje se predsjedavajući Općinskog vijeća.

Nakon glasanja konstatovano je da je predloženi zaključka usvojen jednoglasno sa 16 glasova ZA.

Usljedile su čestitke za prestojeće majske praznike koji su građanima uputili predsjednici političkih partija.

Ovim je iscrpljen dnevni redsedamnedredovne sjednice Općinskog vijeća Breza, koja je sa radom završila u 20.00 sati.

Sastavni dio ovog zapisnika čini i tonski zapis sjednice.

ZAPISNIK SAČINILA
Zakira Smailbegović, s.r. Općinskog vijeća
Jusić Vedad

PREDSJEDAVAJUĆI